

POSLOVNIK

**Privremene istražne komisije Predstavničkog doma
Parlamentarne skupštine Bosne i Hercegovine
za utvrđivanje stanja u pravosudnim institucijama
Bosne i Hercegovine**

Sarajevo, juni 2020.

Na osnovu člana 29. stav (2) Zakona o parlamentarnom nadzoru („Službeni glasnik BiH“, broj 25/18) i člana 188. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20), Privremena istražna komisija Predstavničkog doma za utvrđivanje stanja u pravosudnim institucijama Bosne i Hercegovine na 2. sjednici, održanoj 4. 6. 2020, usvojila je

POSLOVNIK

Privremene istražne komisije Predstavničkog doma Parlamentarne skupštine Bosne i Hercegovine za utvrđivanje stanja u pravosudnim institucijama BiH

Član 1. (Predmet Poslovnika)

Ovim poslovníkom utvrđuju se pitanja propisana članom 29. stav (2) Zakona o parlamentarnom nadzoru kao i pitanja koja nisu nikako ili nisu precizno regulirana Poslovníkom Predstavničkog doma, a tiču se rada Privremene istražne komisije Predstavničkog doma Parlamentarne skupštine Bosne i Hercegovine za utvrđivanje stanja u pravosudnim institucijama Bosne i Hercegovine (u daljnjem tekstu: Privremena istražna komisija).

Član 2. (Zadatak Privremene istražne komisije)

Privremenu istražnu komisiju osnovao je Predstavnički dom s ciljem da istraži stanje u pravosudnim institucijama u Bosni i Hercegovini, s posebnim osvrtom na sposobnost Visokog sudskog i tužilačkog vijeća (VSTV) da učestvuje u procesima neophodnim na putu Bosne i Hercegovine ka članstvu u Evropskoj uniji. U skladu sa zaključkom Predstavničkog doma, Privremena istražna komisija ima zadatak da provede sve radnje potrebne za ostvarivanje ovih ciljeva, u skladu sa Zakonom o parlamentarnom nadzoru i Poslovníkom Predstavničkog doma.

Član 3. (Ovlaštenja Privremene istražne komisije)

- (1) Ovlaštenja Privremene istražne komisije propisana su Zakonom o parlamentarnom nadzoru i Poslovníkom Predstavničkog doma.
- (2) Privremena istražna komisija imat će ovlaštenja da:
 - a) provodi javna saslušanja,
 - b) poziva i saslušava svjedoke iz bilo koje institucije u Bosni i Hercegovini,

- c) od svjedoka zahtijeva da odgovore na sva ispitivanja i iznesu sve činjenice i informacije, kao i one koje predstavljaju tajni podatak,
- d) pokrene pitanje odgovornosti za neodazivanje pozivu Komisije, davanje lažnih ili netačnih izjava Komisiji pod zakletvom,
- e) zahtijeva izvještaj od bilo kojeg izabranog i imenovanog zvaničnika, službenika ili institucije,
- f) zahtijeva pomoć revizora,
- g) zatraži pomoć nezavisnih stručnjaka van institucija u Bosni i Hercegovini,
- h) te druga ovlaštenja precizirana u Zakonu o parlamentarnom nadzoru, drugim zakonima i Poslovniku Predstavničkog doma.

Član 4. **(Stručna pomoć i administrativna podrška)**

Sve stručne i administrativno-tehničke poslove za potrebe Privremene istražne komisije obavljaju zaposleni u Sekretarijatu Parlamentarne skupštine Bosne i Hercegovine koje je za to zadužio Kolegij Sekretarijata Parlamentarne skupštine Bosne i Hercegovine.

Član 5. **(Dokazi)**

Svi dokazi koje Privremena istražna komisija prikupi u sklopu provođenja svojih ovlaštenja čuvaju se u prostorijama Parlamentarne skupštine Bosne i Hercegovine. Zaposleni iz člana 4. ovog poslovnika odgovorni su za vođenje evidencije prikupljenih dokaza i njihovo čuvanje, kao i dostavljanje članovima Privremene istražne komisije.

Član 6. **(Svjedoci)**

- (1) Privremena istražna komisija svjedoke poziva najmanje deset dana prije održavanja sjednice, s naznakom oblasti na koje će se svjedočenje odnositi. Izuzetno, uz saglasnost svjedoka, Komisija može odrediti i kraći rok.
- (2) Svjedoci imaju prava i dužnosti utvrđene Ustavom BiH, Zakonom o parlamentarnom nadzoru, te Poslovníkom Predstavničkog doma.
- (3) Komisija će svjedoke upoznati o navedenim pravima i dužnostima pisanim putem, u pozivu, te usmeno, netom prije svjedočenja.

Član 7.
(Izveštaji Privremene istražne komisije)

- (1) Po obavljenom zadatku Privremena istražna komisija dostavlja izvještaj Predstavničkom domu.
- (2) Dnevni redovi, svjedočenja svjedoka, transkripti, zapisnici i izvještaji obavezno se objavljuju na internetskoj stranici Parlamentarne skupštine BiH, u skladu sa Zakonom o zaštiti tajnih podataka i Zakonom o zaštiti ličnih podataka.
- (3) Svaki član Privremene istražne komisije koji je učestvovao u odlučivanju o izvještaju Komisije ima pravo da svoje izdvojeno mišljenje iskaže u posebnom izvještaju ili u obliku izdvojenog mišljenja priloženog osnovnom izvještaju Komisije koji odražava rezultate izjašnjavanja većine

Član 8.
(Javnost rada)

- (1) Sjednice Privremene istražne komisije otvorene su za javnost. Dijelovi sjednica mogu biti zatvoreni za javnost samo u skladu s Poslovníkom Predstavničkog doma i o tome se u svakom pojedinačnom slučaju odlučuje zaključkom.
- (2) Sektor za odnose s javnošću Parlamentarne skupštine Bosne i Hercegovine na vrijeme će biti obavještavan o terminima održavanja sjednica. Sektor za odnose s javnošću će pravovremeno obavještavati predstavnike medija o svim aktivnostima Privremene istražne komisije.

Član 9.
(Program rada Privremene istražne komisije)

- (1) Privremena istražna komisija utvrđuje svoj program rada.
- (2) Program rada sadrži najznačajnije zadatke koje Privremena istražna komisija treba da izvrši, rokove u kojima će se pojedina pitanja razmatrati, a prema potrebi i kraća obrazloženja za određene zadatke.

Član 10.
(Zapisnik)

- (1) O toku sjednice vodi se zapisnik.

(2) Zapisnik vodi sekretar Privremene istražne komisije.

(3) Usvojeni zapisnik potpisuju predsjedavajući i sekretar Privremene istražne komisije.

Član 11.
(Izmjene i/ili dopune Poslovnika)

Ovaj poslovnik može se mijenjati i dopunjavati zaključcima Privremene istražne komisije.

Član 12.
(Stupanje na snagu)

Ovaj poslovnik stupa na snagu danom usvajanja.

Predsjedavajući
Privremene istražne komisije

Broj: 01-50-4-986-2/20

Datum: 4. 6. 2020.

Damir Arnaut